

¡BOMBA!

Esta Corte fue veloz
en transformar realidades
y brindar a comunidades
la garantía de voz



K'untzil

Miércoles 26 ti' agosto ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2797 · www.lajornadamaya.mx

Ruslán Aranda / P 7
Oochel SEDECULTA



Maaya chuuy ku beeta'al Yucatáne' jk'uch Feria del Libro de Antropología tu noj kaajil CDMX

U jats'utsil maaya chuuye' ku béeytal k ilik ti' jejeláas nook'o'ob, je'el bix guayaberas, blusas, vestidos, camisas, chalecos, pantalones ichil uláak'o'ob, beyxan accesorios ku beeta'al tu petenil Yucatán.

Mina'an u jeel nook'o'ob wa accesorios beyo', tumen je'el máakalmáak ti' le je'elo'obo' beeta'an tumen yucatecail ko'olel chiikbesik nojmeyaj tu paach.

Ti' le 44 puntadas suuka'an u beeta'al ti' nook'e', xyucatecailo'obe' ku chuyik 34 u jejeláasil. Yéetel le meyaj je'ela', ku yantal maanal ti' u 30 por cientoil náajal te'el peetlu'umila'.

Chuuy ku beeta'al Yucatáne', chiimpol'ta'an beey Patrimonio Cultural textil ti' u noj lu'umil México, tu'ux xan ku núupul prehispánicas, colonial y maas túumben chiikulalo'ob.

Te'el k'iino'oba' káajsa'ab Plan de Salvaguardia, jump'éel meyaj áanta'an tumen Unesco ti'al u nojba'alkúunsa'al maaya ko'olel ku chuuy, tu'ux xan ku kaxta'al ka chiimpol'ta'ak miatsil, kaaj yéetel náajal unaj u k'amiko'ob yóok'olal ba'ax ku beetiko'ob. Le beetike', chúunsa'ab Consejo Estatal de Bordadoras de Yucatán, tu'ux táaka'an

maanal 300 ko'olel, ti' 23 u p'éel méek'tankaajo'ob.

Le meyajjo'oba' chiikbesa'an ichil u áanalte'il "El Bordado Maya de Yucatán. Patrimonio Vivo", tu'ux molts'iibta'al u k'ajla'ayil chuuy, beyxan máaxo'ob beetik, tu'ux chiikbesa'an u yoochel xchuuyo'ob, u k'abo'ob yéetel chuuy ku beetiko'ob, beyxan nook'o'ob yéetel u jeel ba'alo'ob ku beetiko'obi'.

Beyxan, táaka'an xaak'al beeta'ab yóok'olal u jejeláasil puntadas yéetel chuuyo'ob; ku tsolik yéetel ku k'anakúunsik chuuy ku beeta'al México, tu ya'alaj Patricia Martín Briceño,

máax tu jo'olbesaj editorial meyaj te'el áanalte'o', yéetel máax xan jo'olbesik Secretaría de la Cultura y las Artes de Yucatán (Sedeculta).

"El Bordado Maya de Yucatán. Patrimonio Vivo", tu k'amaj mención honorífica tu jaatsil Libro de Arte ich XXVIII Premio Antonio García Cubas 2026 beeta'an tumen Instituto Nacional de Antropología e Historia (INAH). Beyxan jts'a'ab k'ajóoltbil ichil u 37 u téenal u beeta'al Feria Internacional del Libro de Antropología e Historia (FILAH), beeta'an tumen INAH, tu kúuchil Museo Nacional de Antropología.